



სსიპ საქართველოს ტექნიკური უნივერსიტეტის რექტორის

ბრძანება № 05-04-11/847

ქ. თბილისი

02 07 2019 წ.

პოლიტიკისა და საერთაშორისო ურთიერთობების აკადემიურ დეპარტამენტთან

„დიპლომატიური ოსტატობის სასწავლო-პრაქტიკული ლაბორატორიის“

შექმნის შესახებ

„უმაღლესი განათლების შესახებ“ საქართველოს კანონის 22-ე მუხლის, საქართველოს ტექნიკური უნივერსიტეტის წესდებისა და წარმომადგენლობითი საბჭოს (სენატი) 2019 წლის 14 ივნისის №01-06-02/32 დადგენილების საფუძველზე

ვ ბ რ ძ ა ნ ე ბ ე :

საქართველოს ტექნიკური უნივერსიტეტის სამართლისა და საერთაშორისო ურთიერთობების ფაკულტეტზე, 2019 წლის 14 ივნისიდან პოლიტიკისა და საერთაშორისო ურთიერთობების აკადემიურ დეპარტამენტთან შეიქმნას „დიპლომატიური ოსტატობის სასწავლო-პრაქტიკული ლაბორატორია“.

რექტორი

არჩილ ფრანგიშვილი

სასწავლო კურსის გავლის შემდეგ სტუდენტი შეძლებს:

- დიპლომატიური ეტიკეტის დაცვას, მოღპარაკებების გამართვას სათანადო დონეზე და სხვა გამომომუშავებული უნარ-ჩვევების პრაქტიკაში ეფექტურად გამოყენებას;
- დიპლომატიური სპეციფიკის გათვალისწინებით დოკუმენტაციის შედგენას.

სწავლებისა და სწავლის მეთოდები

დიპლომატიურ ლაბორატორიაში დიპლომატიისა და საერთაშორისო ურთიერთობების სპეციალისტისათვის საჭირო უნარ-ჩვევებისა და ცოდნის მისაღებად გამოყენებული იქნება სხვადასხვა მეთოდი.

მასალის ვერბალური გადაცემის გარდა (ვერბალური, ანუ ზეპირსიტყვიერი მეთოდი), გამოყენებული იქნება ახსნა-განმარტების მეთოდი. აღნიშნული მეთოდი გულისხმობს კონკრეტული საკითხის ირგვლივ მსჯელობას. სხვადასხვა საკითხის შესწავლისას მოყვანილი იქნება კონკრეტული მაგალითი, რომლის დაწვრილებითი განხილვაც მოხდება მოცემული თემის ფარგლებში. აგრეთვე დისკუსია/დებატების მეთოდი, რაც გულისხმობს სტუდენტთა ჩართულობის ხარისხისა და აქტივობის ამაღლებას. დისკუსია შესაძლებელია გადაიზარდოს დებატებში. ეს მეთოდი განუვითარებს სტუდენტს კამათისა და საკუთარი აზრის დასაბუთების უნარს. სასწავლო კურსის შესასწავლად გამოყენებული იქნება წერიითი მუშაობის მეთოდი, რაც გულისხმობს სტუდენტის მიერ დიპლომატიური დოკუმენტაციის მომზადება-შედგენის უზრუნველყოფას.

დიპლომატიური ოსტატობის სასწავლო-პრაქტიკული ლაბორატორია

დიპლომატიური ოსტატობის სასწავლო-პრაქტიკული ლაბორატორია ინოვაციურია და წარმოადგენს სტუდენტთათვის დიპლომატიის ხელოვნების დახვეწის ერთ-ერთ საუკეთესო შესაძლებლობას.

დიპლომატიური ოსტატობის ლაბორატორიის მიზანი:

დიპლომატიით დაინტერესებულ სტუდენტებს მისცეს ცოდნა დიპლომატიის ტრადიციული და ინოვაციური მეთოდების ფართო სპექტრის გამოყენების შესახებ. მისცეს გამოცდილება და გამოუმუშაოს შესაბამისი უნარ-ჩვევები იმიტაციური თამაშების, კონკრეტული სიტუაციის მოდელირებისა და საინფორმაციო ტექნოლოგიების გამოყენების საშუალებით. სტუდენტები გაეცნონ საგარეო საქმეთა სამინისტროსა და საელჩოების მუშაობის ორგანიზაციის სტრუქტურის და ძირითადი ფუნქციების განხორციელების საკითხებს. შეისწავლონ საკონსულო სამსახურის ორგანიზაციის, ფუნქციონირების და სამართლებრივი რეგულირების ძირითადი პრობლემები, შიდა უწყებრივი და დიპლომატიური დოკუმენტები, საინფორმაციო ანალიტიკური მუშაობის ფორმები და მეთოდები; თანამედროვე დიპლომატიკაში ორმხრივი და მრავალმხრივი მოლაპარაკებების პროცესის თავისებურებები. გააანალიზონ საქართველოს საგარეო პოლიტიკის ძირითადი პრობლემები საქართველოს ნატოსა და ევროკავშირში გაწევრიანების გზაზე. ისწავლონ კონკრეტული რეკომენდაციების შემუშავება უკანასკნელ წლებში ნატოსა და ევროკავშირში გაწევრიანებული ქვეყნების მაგალითზე. ასევე შეითვისონ მეთოდური რეკომენდაციების მომზადება საქართველოში კონფლიქტურ რეგიონებთან ურთიერთობების გაუმჯობესების უზრუნველსაყოფად.

დიპლომატიური ლაბორატორიის ამოცანები:

სტუდენტმა შეიძინოს ცოდნა დიპლომატიური ეტიკეტისა და ნორმების შესახებ როგორც თეორიული, ასევე პრაქტიკული - „მასტერ კლასის“ ჩატარების გზით. შეთავაზებული იქნება „დიპლომატიური მოდული“, რომელსაც გაუძღვებიან საგარეო საქმეთა სამინისტროს წამყვანი სპეციალისტები და სტუ-ს პროფესორები.

ზემოაღნიშნული ცოდნის პრაქტიკაში გამოყენების უნარი იქნება მთავარი მიზანი ლაბორატორიის მუშაობისა. აღნიშნული ცოდნა დაეხმარება სტუდენტებს გამოიყენონ იგი თავის პროფესიულ საქმიანობაში.